

摘藻堂四庫全書薈要

集部

欽定四庫全書薈要

集部
文獻集卷一



臣董誥詳校

詳校官助教臣謝登雋

欽定四庫全書薈要

文獻集目錄

卷一

五言古詩

七十五首

律詩

六十二首

絕句詩

四首

卷二

七言古詩


二十八首

律詩

一百二十九首

絕句詩

四十四首



卷三

賦 一首

贊 六首

騷 一首

答問 一首

策問 六首

策題 一首

雜著 四首

勸農文 一首

樂章 一首

祭文 二首

祝文 九首

表 十首

牋 三首

箋 一首

公文一首

啓三首

書一首

傳四首

行述一首

制二首

箴一首

行狀一首

辭一首

卷四

題跋八十九首

跋三十首

卷五

序 二十八首

卷六

序 二十八首

卷七

記 五十六首

筆記 三首

附錄 三首

卷八

墓記 四首

銘 九首

墓誌銘 三十一首

卷九

墓誌銘 三十六首

卷十

碑文 一首

廟碑 二首

神道碑 十一首

墓碑 四首

墓碣 三首

墓表 五首

臣等謹案文獻集十卷元黃潛撰潛字晉卿

婺州義烏人延祐中登進士以馬祖常薦入
應奉翰林文字官至侍講學士同知經筵事
贈江西行省參知政事追封江夏郡公謚文
獻潛與同郡柳貫及虞集揭傒斯稱儒林四
傑為文原本經術應繩引墨動中法度學者
承其指授多所成就宋濂王禕為明一代文
宗皆潛有以啟之也濂序稱所著日損齋稿
二十五卷潛沒後縣尹胡惟信鏤梓以傳又

有危素所編本為二十三卷此本題曰虞守
愚張儉同校為詩二卷文八卷共止十卷每
卷篇頁頗多每逾常數蓋即守愚等重刊之
時因舊本而併省之今仍依其目而於七八
九十諸卷內各析為上下卷以便繙檢焉乾
隆四十二年八月恭校上

總纂官

臣紀昀

陸錫熊

孫士毅

總校官

臣

陸費

墀

文獻集原序

天地之氣日新而無窮文辭亦與之無窮蓋其升降翕
張俯仰變化皆一神之所為神也者形之而弗竭用之
而彌章氣之樞文之所固也成周而上六藝興焉禮不
同乎春秋春秋不同乎詩詩不同乎書書不同乎易成
周以下諸家言雖不能如經亦各以所學鳴龍門則異
于河汾河汾則異于昌黎昌黎則異于廬陵廬陵則異
于伊洛夫豈欲騁異哉文與氣資神以生其勢則然也

近代自寶慶之後文弊滋極唯陳腐之言是襲前人未
發者則不能啟一喙精魄淪亡氣局荒靡澌焉如弱卉
之汎緒風文果何在乎逮入國朝群工疊出剡華而踐
樸革染以趨真爛然五色之文照耀于天下沿至先生
號為極盛先生之所學雖其本根則師群經揚其波瀾
則友遷固沉浸之久超然有會于心嘗自誦曰文辭各
載夫學術者也吾敢為苟同乎無悖先聖人斯可已故
其形諸撰述委蛇曲折必毫所欲言出于時則由進

士第教成均典儒臺直禁林侍講經幃以文字為職業者殆三十年精明俊朗雄蓋一世可謂大雅弗群者矣今之論者徒知先生之文清圓切密動中法度如孫吳用兵神出鬼沒而部伍整然不亂至先生之獨得者又焉能察其端倪哉於戲蹄涔之水其流不能尋尺通河巨海則涵浴日月一朝而萬變土鼓之聲其聞弗及百武迅風驚霆則振撼萬物衡縱下上無幽而不被此無它神與不神也文辭之出與天地之氣相為無窮奈何

不河海風霆之若而睥睨蹄涔土鼓間果誰之過也上而六藝下而諸家言所倡雖有大小之殊其生色之融液至今猶津津然是誠何道哉學者尚以是而求先生也先生薨後之五年家藏日損齋藁共二十五卷縣大夫胡君惟信恐其堙沒亟取鏤梓以傳謂漁嘗從先生學俾為之序漁也不敏何足以知先生追念疇昔侍几杖華川之上先生酒微醺歷論文辭原乎學術每至數百言自顧於道無聞溺志汗漫無根之域不足上承明

訓方將刻厲剔去陳腐以振華英而九京不可作矣俯
仰今古能無感乎姑誦所聞以書于篇端若先生所以
擅一代之盛者則不待序而後見也先生諱潘字晉卿
姓黃氏娶之義烏人其官序行業具見臨川危公所撰
神道碑銘茲不著門人同郡宋濂謹序

文獻集原序

欽定四庫全書薈要卷一萬六千四百六

集部

文獻集卷一

元 黃潛 撰

五言古詩

雜詩五首

日月東西行群動亦不息
寄身萬物中寧獨謝茲役
所以魯中叟遑遑走南北
聖哲諒已然旅人能久宅
晨起步南園旭日朗
以清葵花衆草中灼灼
數丹榮流光非汝私
獨爾心自傾覽物有深懷
竚立方含情

璞玉與寶劒淪落初未偶君看被湔祓各在千年後將
身比金石誰當獨長久悠悠百代下相知復何有

孤雲澹無心出山偶為雨長風忽吹散渺渺歸無處唯
餘向來山突兀青如故慷慨魯仲連功成身已去

春風著萬物欣欣皆自私可憐兒女花榮悴更相持獨
有澗底松偃蹇如不知何疑揚執戟草玄髻若絲

效古五首

上山見明月下山月相隨月豈知愛我我行自見之故

山日已遠故人不可思殷勤謝明月願爾無時虧
女美衆所悅士窮世所輕輕重安足言泥盡水自清淮
陰初寄食曲腰跨下行季子黃金多妻嫂來相迎自古
已復然歎息空吞聲

擊石乃有火石火光不揚攀天亦有路天高路何長嵯
峨萬古雲下覆歌哭場富貴誠足多貧賤不可忘

落花隨風吹各自東西飛花飛既不息水流復無極同
生不同歸能勿異顏色木生則有枝豹死則有皮悠悠

岐路間多言亦奚為

飲酒莫盡醉盡醉無餘懽讀書莫弔古弔古多悲酸蕭
艾蔽中野白露摧芳蘭鳳飢不得死鷓鴣食琅玕去去
復去去采芝青雲端

人事如草木

人事如草木一氣榮悴之外物何預人而寘喜與悲堂
堂異姓王昔者跨下兒窮通本邂逅達者固不疑阮生
亦隘人慟哭真奚為

煌煌明月珠

煌煌明月珠未害居濁水君看黃河黃豈解污清濟我
方遺吾形寵辱齊一指懸知破琴戴未若搯搗襴

微雲翳白日

微雲翳白日群動何喧喧嗚呼麒麟兒化為猴與猿登
高望四荒但見黃河奔誰哉沂其流與我歸崑崙姜蕤
青桂花霜霰日已繁豈不有桃李對之有忘言

古意

荆人初得玉跖足辭巖阿持獻萬乘君君門正嵯峨誰
其尸國工謬以石見訶迷邦誠不忍欺君反同科臣口
不自明臣心終靡它抱璞重再拜呼天淚滂沱淚盡血
可續玉在良已多是事古則然嗚呼今奈何

連雨雜書五首

蕭蕭十日雨出門竟何之不愁道路難所懼沾我衣悠
悠看屋梁作計誠已非有酒不解飲且遂哦吾詩

昔慕栗里翁頗復志耕耘偶入翰墨場把筆學為文偃

蹇獨何成喧啾浪云云念彼荷蓑子窮年愧其勤
虛堂坐無言繾綣悲宿昔常時眼中人已如不相識剝
啄者誰子令我喜折屐忽去已莫追一笑岸玄憤
我思仇山人山川莽回互十書九不到木葉歲頻暮頗
聞近移居併失夢中路得無挈妻兒倒載入山去
今日曷不樂孤倡無與酬兀坐把書卷展玩不自休借
問誰所為其人已千秋山雨政可聽撥書置床頭

晚晴

洩雲散積雨林水含餘清披衣有奇懷偶從林叟行新
晴遠峰麗夕陰孤花明曠日固所虞聊茲息營營

夜歸

空山四寥寥落日翳榛莽蜿蜒草中徑躡屩度寒雨楠
杉窈深黑忽忽疑伏虎林窮澗水明稍聽歸人語

陪諸老夜飲

世故不可料忽若浮雲移坐令百年內顛倒殊歡悲顧
惟我與公異代同一時覽古既深慨撫今亦餘噫長川

去悠悠青山莫委蛇向來遠遊意我行方遲遲咄哉有志士卒歲恒寒飢况復託湫茫欲與千載期盈虛信天運廢興豈人為願公姑舍是一觴聊可持

讀忠簡宗公遺事

公初起滄陽艱危屬多壘蒼然國家意委身干戈裏陰飈卷翠華朔雪被南紀悠悠虞淵日力盡揮不止寅恭秉齋鉞際會開朱邸長安付馮異漢業中興始宮庭數汎掃蹕路無荆杞疚心望鑒輿感激涕如水上表方出

師嗚呼孔明死宴安不可懷肉食母乃鄙巨舟意未焚
三語猶在耳蕭然舊祠下碧草垂堦肥登堂挹光儀赤
舄仍几几千載墮淚碑一夫敢殘毀傳家有遺書叙事
非虛美勗哉慎失墜庶以裨信史

曉行湖上

曉行重湖上旭日青林半霧露寒未除鳬鷺靜初散
緣際餘景閃倏多遺玩會心乍有得撫已還成嘆夙予
丹霞約久茲芳洲畔獨往願易違離居歲方換沙暄芷

芽動春遠川華亂存期乃寂寞取適豈爛漫小隱倘見
招漁樵共昏旦

西峴峰

層雲抱春岑急瀨洩嵌竇脩蹊入窈窕衆綠蔚以茂名
亭標水樂柱折荒碑仆幽尋得緇廬亂石扶結構青精
午堪飯碧澗寒可漱平生慕真賞及此成邂逅冥探指
絕頂有路忽通透緣蘿度蒙密翠氣濕衣袖寄身沈寥
內下睨人寰陋清謳雜風竹大嘯落巖欬東峰在眉睫

金夕日石台
卷一
可望不可就同遊却何時瑤草春已秀

夜興

秋氣入病骨殘夢脩然驚芭蕉葉間露風過皆成聲攬
衣沈寥內搔首天河橫飢蟲語不休中宵誰汝令孤鴻
亦何苦犯霜度微明悠悠念群動百感忽我并大化倘
不爾吾其免營營

寒星挂疎林夜色翳餘暝鷄聲驅行客出門路方永亦
有山中人熟睡初未醒而我立於獨婆娑玩光景一笑

天宇青此意君自領

舉頭見殘月葉脫知深秋今我曷不樂歲月如驚鷗常
憐古志士辛苦歌飯牛空山夜漫漫政合秉燭遊臨風
振吾衣蕭瑟不得留小立殊復佳澗水鳴悠悠

陳生詩

陳生少也孤秉志何軒軒讀書奉慈母承顏郁春溫兀
然處膝下不間晨與昏叢叢萬井中陳生深閉門暉暉
百花時陳生不窺園常恐去左右或乖覆育恩一朝抱

長痛飛霜墮秋萱鹽酪不入口日夜涕傾盆欲娶弗及
養矢言終不昏尚賴百歲後兄子父所孫朝來遊子衣
忽逐東風翻世方醉糟粕何庸薦犧尊陳生顧謂我是
事安足論幸托山水窟放情詠蘭蓀嗟今學步者觸險
爭飛奔願爾利鋤鏤深劖六籍根願爾進竿櫓高泝百
聖源源長流自遠根大枝乃蕃勿搖崔嵬筆誇作磔硯
言弘惟孝與悌百行茲其元咄哉行勿休日月方法法
贈言豈予敢情真覺辭繁匪為陳生榮庶感薄俗敢

述懷

端居有多感求志無餘營夙違金門路緬愛丹丘名謬
忝君子顧捧已廁群英畢棲念遠引窘步迷先征俛默
敷宿尚低徊阻平生伏枕倦中夜攬衣寄遐情上天廓
澄穆列宿揚光晶俯視林木改仰悲鴻鴈鳴跂予秉微
素十年守柴荆希世乖近務慕隱餘衷誠願言良時晚
庶保幽人貞

寄方子踐子發

窮居悵無遂徂歲聿載陰飛翹隕芳華候蟲厲哀音急
颼扇叢薄泣露棲喬林撫景慨徃古端搯思繼今折蘭
問幽佩解纓濯清潄石林宵蔥蒨佳柏鬱蕭森遺世豈
予敢匡時非我任覽已謝高軌卽事念所欽纏綿阻道
里緬邈眺岡岑委懷竚芳訊貽好在規箴

寄俞子易

閒居寡歡豫枉駕忻周旋清言邁修夜朱火銷餘煙嘉
會良不易鬱抱罄所宣揆余徇微業春冬屢徂遷著微

作徃哲馳芳謝時賢睠茲企三益揮袂增慨然秋秋淒
且厲郊圻曠肝眠振飈卷飛藿積霧迷遐川契闊歲復
流瞻望情所牽存期尚勿奪輔仁庶不訾紫芝無新曲
白駒有遺篇矢心遂招要贈言比芳荃

東園晚歸

渙浥嬰近務超遙愛佳辰興言望東菑良苗藹津津鄙
人昧時趨曠途夙所遵幸遠簪組累稍欣田圃鄰兀兀
登故畦悠悠睇城闔理穢出新竹撼枯落荆薪夕日逗

遠川餘暉散衣巾
疊疊觀物變依依
念農人渠渠長者
言惻惻非賤貧

送凌吉叟杭州教授

浙水西八州惟杭
實名都古來萬人
海逐逐無賢愚况
茲百年後淳朴古
不如翩翩誰家兒
白馬驕路隅春風
樊樓醉一笑百斛
珠亦有朱門家齊
謳間吳歛綃綺散
煙霞繽紛被童奴
可憐彼蚩蚩久為
紅塵驅頽俗如波
瀾孰障羣流趨又
如敗屋壁風雨須
人扶博士非冗官

豈即無良圖當今歌舞場化作弦誦區行矣循所務詞
章信其餘春風摻別衣晴沙秀寒蘆何以贈子行白雲
不可呼聊持狂者言用比貂襜褕

送朱仲山之京

麒麟出渥洼注意欲周八極芻豢豈不多未便甘伏櫪念
君抱耿耿坐視暄涼易忽辭白髮親去作青雲客應恐
鄧仲華笑爾長寂寂鄙人屬有念未辦經世策青燈雨
如綫窮巷方偏仄縣知摻斧斤不必睨樗櫟往哉布汝

懷庶用副前席勿云萬戶侯自可談笑覓百年滔滔內
岐路足南北出處會有為聚散奚暇惜歌我辛苦詞送
子遠行役崢嶸壯士志慘淡游子色那無平生期慎爾
保金石莫將賈生淚先為離別滴

贈葉審言別

昔人稱好士乃有黃金臺黃金亦何物顧用驕賢才葉
君披短褐志力何雄哉北走叫閭闔紅塵指崔嵬終然
無苟售自保同嬰孩車服非吾榮黃金直浮埃十年今

何官茅屋歌蒼苔豈無琅玕樹鳳飛故低徊一朝脫身
去歛觀雲路開葉君善自愛往矣毋嫌猜迷邦古所誚
豈弟貴不回願言吐奇骨落落排風雷尙念窮賤者衡
門守蒿萊

舟中偶書

我舟合江潯水清石額額念此殊可嬉如何有行役沙
頭白髮翁捫蝨了晨夕茅茨八九椽終歲閱過客

晚泊釣臺下

四山環一水遺臺故巘岼那無漁樵居政復不敢安舍
舟衝微雨憑軒俯清灣念昔乘興來無從寄游觀今我
有行役乃爾容躋攀山靈豈愛我為解塵土顏落日奠
蘋藻清風聞珮環幽尋不可極林暝吾當還却去望層
碧孤舟生晚寒

登鍾山最高頂以三山半落青天外為韻得天
字

平陸漫十里茲山乃穹然猶憐布金地未即辭喧闐嚴

液散珠琲春岡走蜿蜒稍欣涉幽邃登頓衣屢褰路細
石礚礚崖深竹娟娟洞扉剗開殿峻峯指中天冥探歷
嵌崱垂蘿弱容牽碧潭隱光怪華雨標崇筵下晚飛鳥
背茫茫但蒼煙眈眈圉圉期淒涼雲嶠篇休駕將未能
惆悵春風前

休日集于城南

投耒從違遊牽世乖明畧豈不有簡書未能置丘壑崇
岡近盤互春物紛照灼休沐集諸彥迂趾惠前諾稍空

林中尊復詠霞上作迢迢歷墟壠靡靡瞰城郭修楊蔭
晴渚野櫻散朱萼撫時悼推斥畢景顧棲託損益向子
明才能賈生薄晷言觀歲寒無將媿場藿

卞忠貞公墓

江左失其御強臣玩天誅歡娛一以乖狂獬無趨趙黃
屋播草野彤庭交劍及事樞始誰秉捧首如奔狐偉茲
百世士死與二子俱孤哀耿未沫足以孚豚魚義旗果
東指白日開天衢孰最撥亂功之人或其徒伊昔大雅

廢清言鄙文儒未泰已橫委衣冠尚舒徐屹然見砥柱
獨障狂瀾趨高風邈難攀捐生乃區區青簡煥遺烈蒼
榛閔幽墟日夕悲吹多天高年運徂世方用骯髒猶將
愧玄虛江濤渺在望雪涕空漣如

制司馬公祠堂

朔風破滄溟白浪無餘地可憐甘棠樹乃爾能蔽芾借
問誰所遺馬公古能吏當年印累累庶務劇于蝟藏龜
不得灼騁駿無留轡偏仄兵馬區藹然承平意晏安亦

聊爾國步方不易至尊久嘗膽壯士頻裂背煌煌青冥
鉞可同牛刀試嗚呼豪俊人竟偃風雲志致身豈云卑
生世已其季安知潁川守遂非廟堂器嚴祠閑寂寥古
木合蒼翠平生辦香祝母乃兒女事如何百載下能墮
看碑淚永惟茂陵翁苦心抱天藝力耘宜有收黽勉觀
來裔渠渠桑梓恭喋喋市井議庶哉瞻前修樹德毋自
畏

送人赴廬陽學官

播非人所居潭陽實其鄰荒淫雜巫鬼哀怨餘騷臣念
子有行役水陸彌數旬乃知臯比座佇承文翰賓遐微
指天末男邦控城闔俎豆當在列冠裳定來臻足明理
化盛演溢周窮垠廣陌望八荒出車日轉轉蠻荆孰無
適忠信惟書紳簡書有程期取別無逡巡揚鑣觸炎熱
振鐸驚遠人沅水春蕩滴楚峰莫嶙峋行行慎其度離
別何苦辛

曉望

城頭鴉鳴曙起坐理冠幘開窗寫遙望煙霧竟川澤喧
喧市聲動漠漠井氣白如何山中人歲暮塵埃客

發金陵留別一二同志

盛名不易居直道我所遵雖枉嘉遯志未渝白圭言罷
釣出滄海迴帆遡江濱城闔遠滅沒風水屢崩奔蕭條
故交地愴恨遊子魂始雷茂陽澤孤生限窮鱗沈翔自
殊勢衰榮實同根戰勝物可遺目擊道已存乘桴詎無
取絕絃難具論寄言同心子毋徒念加餐

龍灣夜泊

乘潮出遠浦日暮北風平
高亭不可望遙遙笳鼓聲
月明寒鴈下江空夕煙生
非關川途念沈憂坐自盈

敬亭山

昔窺謝公作今陟敬亭寺
徵素忻始遊賞勝資深
訪脩脩緣水木宛宛交蹊
術綠縹澗草豐幽颺松颺
駛微鐘響香障高閣浮花
氣聿熏旃檀妙豈愛岑壑
媚憑生實內惕即事多冥
契息陰晴松攢褰芳懷芝
桂海岳期屢

遷石林路深閤經營乖道要迫窄餘物累稽首調御尊
尚飲無生惠

宿雲黃山作

束髮弄文史挂席去瀛壖邂逅乖良會擯落迨茲年息
景念生理洗心宿象筵恭惟上皇代異人祕靈詮宗師
既逾海茲山亦棲賢金棺滅雙樹寶篋緘紅蓮仰窺攝
誘功信知願力堅內愧實菲薄冥通未精專褰裳碧峰
雨焚香石林煙綵翠何紛紜苔澗窅泐尋幽匪外適

蘊真冀重宣二邊離有無五濁空腥羶豈伊俄頃用庶
謝平生緣

重登雲黃山

茲山實靈竒吐納變舒慘太常闕弗錄名號何黥黷重
華秩山川盛典軼封臧蒐遺侈綸綍蠲潔羅醢醢腐儒
世所貸薄藝守鉛槧無能旅駿奔徒取肆游覽霖潦時
始收天地餘藹晦嵐光乍璘璫石狀終黧黧行行恣芒
屨徃徃得洼坎冒進誠近貪自畫將豈敢久之零埃豁

秀色坐可攬青熒插鋒鏑翕艷披茁茁崖奔馬駢駢石
踞虎耽耽高尋指天路幽矚極玄窗前行幾台背後或
兩髦髻緣岡既蹠蹕登嶺仍輜輶舉頭塔廟湧地平忽
如毯天人所食息獰玖化餘堪林輝寶燈燒風語金鐸
撼敗壁詩者誰漬墨亂濃淡險盡乃復佳疲極復何憾
是節蕤賓初野薦首昌歆煮瀑茶可啜剖石蜜堪噉名
談折毫髮苦語涇肝膽理冥心自珍機湊首屢領陽烏
晝西肅衆色齊慘澹崔嵬識梗楠蒼莽辨葭茨暮投僧

所繁鍾鏜鼓統統羣居肅不吳其飯聲有噉迴脫夸奪
場撫事叢百感趨名蛾赴燭逐利魚投糝何時脫火宅
霍若頷去頷綺言息誦誦妙供紛醢醢于焉寄相羊庶
以忘坎壈誰云入道苦餘味需椒攬

秋夜觀書作

閒居感時駛獨學難為功眷言思古人幽懷極忡忡秉
燭起中夜攬卷來清風恭惟千載心皎潔懸無窮氓俗
自升降道妙非汙隆後來亦奚為黑白紛相攻華芳昨

可悅軌轍何由通
吾將離言說庶以觀其同
所憂明為累不懼蓄不豐
開軒視明河白月當天中
怡然掩書生夜氣方鴻濛

覽元次山春陵行有感近事追和其韻以寓鄙懷

惟王始建官民命有所司
奈何閱流瘠束手無一施
屬者秋夏交上牀殊酸悲
赤日紛按行人馬同時疲
連阡見標榜不救饑與羸
仍聞恣鞭箠慘切傷膚皮
撿覈須

再三供張常恐遲哀哀鬻兒女貿貿行安之感茲欲無
懃既往何由追尚慚噢咻恩稍緩租稅期云胡有倉卒
徵歛更相隨但將充其數肯復計爾貲肉食不自鄙謂
我非敢知棲棲甌石儲剝割無或遺言是鄰壤凶藉此
敷恩慈寧知是州人俟死他無為出語餘喘息行步須
扶持猶令此樂士疾苦喘謂誰俛首州縣間逋責自其
宜况迫大府令聯絡飛符移豺狼方在郊鷹隼宜用時
區區獮狐兔政爾何增虧吾賤不及議為君陳苦辭

登錢山望孤城慨然而賦

吳興水為州諸山若浮萍況此一培塿瑣屑世未名所
欣漁樵居乃與緇錫并種竹有萬竿結茅無十楹老僧
解人意蹀履能相迎芳草披行逕朱藤暗巖扃蕭條空
堦暮日照莓苔青猶嫌所歷卑未極遊眺情聳身白雲
上始見春申城想當高會時樓觀飛青冥竭海薦壘勺
窮山羞鼎鑊安知千載後寂寞無人行煌煌冠蓋區壤
壤孤兔瑩歸來朱門客聽此松風聲

逸山過姚紫英別業

逸山誠復佳逸人不可逢何言一笑頃得此蒼髯翁今
晨過其廬碧苔滅行蹤坐我松竹間野藪羅甘豐初無
驚世談頗多曠士風念昔去巖壑輟耕白雲中白雲故
無恙我乃羞樊籠祇應山林癖未易藥石攻高期出邈
近意氣將無同十年舊泉石忽忽蟠吾胃起視白日低
歸禽亂西東拔地森四壁攬天唯一峰復聞麻谷幽近
與金蓋通山態方屢改泉源殊未窮湫然一區內嗟我

何憧憧

次韻荅蔣明府先生

文章不經濟耽書或成淫偶從長者游稍窺古人心不
琢豈非玉無絃孰為琴歲宴燈火微江濶魚龍深願言
報嘉貺安得雙南金

和方韶父先生以滿城風雨近重陽為韻七首
掩書坐中宵堦空葉落滿不見書中人蒼燈夢秋館
豈不有膏沐所慕非傾城翠袖日以薄勗哉歲寒情

棲遲憐繫爪夢寐追飛蓬去去羊荊州吳帆渺霜風
當年白衣人願以慰風雨不飲政復佳有酒無用滑
江瑤配荔枝勝處終不近好醜且勿爭天道有定分
聲丞遂已矣目斷山千重煙霞故無恙勝會何由逢
寒華衰復榮東籬幾殘陽蜡桃亦何好千年期一嘗

金華北山紀遊八首

靈源

偶為山中游遠過雲關宿蒼燈閃初夜雨氣蒸深屋時

聞清梵音窈眴松林曲

草堂

迢迢上方界水木翳清景山深不可留日暮衣裳冷淒淒
其懷昔游百歲嗟俄頃

三洞

仙山高不極萬古積蒼翠清興薄暮移遺跡洞天秘巖
阿春寂寥群仙勿予遲

鹿田

披榛度空荒，突兀崖寺古。
幽花雜紅白，老屋亞雲雨。
前瞻石徑微，咫尺不得取。

寶峰

下山復上山，躡屩行沮洳。
宿雲冒長嶺，旭日暎高樹。
山僧亦何為，獨向城闌去。

潛岳

潘公古達人，陳迹闕丘壑。
草生春晝長，鳥啼巖花落。
神交千載上，未敢付冥漠。

山橋

行行指木末路逐飛雲上時登巨石憇共聽春泉響尋
源竟莫窮卽事成幽賞

寶石

暮投招提境明發首歸路舉頭望山椒遙認經行處重
重巖壑間蒼然正烟霧

中秋會宿浦陽江上分韻得仰字

嘗窺仙華錄勝踐心所仰蹉跎二十秋故爾勞夢想名

談出邂逅高槩餘徘徊節至月仍圓別來山似長百年
空中絮此會知難兩欲去吾未能不飲君宜強露夢多
夕滋風竹留晚響岐路方悠悠云何稅塵鞅

龍山九日

鬢色滄海溼彌年窘將迎屬茲九日至緬愛龍山名欣
然得勝踐况乃羣彦并碧蘿引幽策涼泉度飛觥志適
形可忘神舒體逾輕鄙劣竟何取覲顏結華纓登高謝
能賦徇祿慙歸耕幸此農事休萬寶咸告成庶竭一餉

樂持用夸昇平月出衆山靜天空夕雲驚先民貴無荒
簡書今有程悵馬難久留振袂松風生

石臺分韻得下字

蒼山面長溪勢若飲奔馬層臺跨其脊萬古挹瀟洒登
臨茲維要朋從未云寡迢迢歷榛莽靡靡眺原野白雲
與翠霧負在履屐下窮秋向搖落霜菊政堪把賞心孰
無同幽抱欣已寫邈矣千載期銘山侯來者

雍熙僧舍偶書

幽窓悄無寐落葉不可數風驚葉間露中宵聽成雨起
視天正碧萬里若垂宇茲予亦何為兀兀守環堵

送楊學正還餘姚

舜江吾舊游風味殊不惡江水天際來宛宛帶郊郭雲
帆渺沙渚翠嶂森樓閣別離不可念此日忽已昨想見
春水生烟柳仍濯濯君胡久去此三徑獨盤礴空齋耿
燈火月冷潮聲落近聞故人書遠致江上作白駒幸無
遐淮陽詎云薄招要忻良會綠酒春可酌采芹有遺篇

風雩多新樂因君訊同志何用慰離索

奉府帖賜高年帛晚宿孝義山中賦

捧檄去州邑承筐布明恩詎敢期稅駕惟知懼乘軒時
春雨新已嘉木陰正繁農人有耕作羽蟲亦飛翻感彼
物情適念此王事敦悠悠迫長路靡靡窮郊原庶與遺
老逢幸聆長者言持以薦芹曝無慙貢丘園低徊白日
晚寂寞蒼山根吾行匪游衍此懷誰與論

遊西山同頂可立宿靈隱西菴

薄游厭人境振策窮幽躅理公所開鑿遺跡在巖麓秋
杪霜葉丹石面寒泉淥仰窺條上猿攀蘿去相逐物情
一何適人事有羈束却過猊峰迴遙望松林曲前山夜
來雨濕雲漲崖谷縹緲辨朱甍禪房帶修竹故人丹丘
彥挹被能同宿名篇聊一詠異書欣共讀蹉跎未聞道
龜勉尚干祿夙有丘壑期吾居幾時卜

送祝蕃遠北上

春風吹九衢卑卑桃李門明堂待松栢未失山林尊相

逢今歲寒是事無深論念子抱遠志此道夙所敦刊條
落其葉將使見本根痛恨日月微毅然闢浮雲奈何夸
毗子聚訟生紛紜瀛洲富才彥冠蓋如雲屯去去當遇
合美價傾璵璠惟須用卿法力行尊所聞丈夫必有事
悟主在一言上以裨聖學下以安元元我如鶴俛啄豈
復思乘軒子如搏風鵬本是天池鯤棲棲文學掾平世
何足云勗哉保令德契濶期無諼

陳孝子詩

南仲抗陳氏斗龍父所名家臨百丈溪父書傳考亭夫
亦人之子胡獨以孝稱維仲適母盛王實生寧馨盛謂
我已出無殊祝螟蛉仲父諱弗言王卒不自明睠然舍
之去呱呱聞泣聲年運日已往頭角稍崢嶸籲天乞殞
減願以益父齡父沒盛亦亡弔影傷孤煢或乃告之故
曰汝王所生王居清湖上去此無十程時仲新捧檄情
廬擬橫經悲號棄其官肩輿親奉迎安知世代易人非
餘故城鄰有鶴髮嫗叩之久始應言我與汝母少小俱

娉婷汝母生汝歸去作江東行不知今在無老我猶零
竹仲也聞益悲羸糧事晨征六年困逆旅冷雨啼青燈
譬彼無母雛投林輒哀鳴永豐有施氏大屋深重局於
焉得母處一夕相合併母子更抱持淚如九河傾三日
負母還盜賊方搶攘倉黃與之遇白刃紛交橫頓首前
致辭覩縷陳衷誠能令激高義相戒勿敢驚仲昔以至
行上天降休禎靈鴈既羣集嘉祚復冬榮區區彼蟲蟲
豈遂無人情聖門語純孝厥有閔與曾未聞樹奇節謠

誦傳轟轟此道古或希此事今可徵我歌雖云俚庶感
蚩蚩氓

上京道中雜詩十二首

發大都

辭親獨行邁遙遙抵京國胡為突不黔驅馬更遠適至
尊有時巡樹羽殷阡陌宿衛必近臣顧問須耆德陋儒
亦何知冗從同執戟草深原野青雨暗關塞黑寥寥盛
年意眷眷游子色一身萬人中敢不思努力

劉蕡祠堂

劉君古遺直祠堂在丘園嗟此豪俠窟文雄歛孤鶩平生二三策匪徼明主恩瑣瑣談得失無乃市井言憑高一長望苦厭車馬喧微風過疎雨青山滿前軒陰晴候異態浮雲實無根悠悠千載心去去勿復論

居庸關

連山東北趨中斷忽如鑿萬古爭一門天險不可薄聖人大無外善閉非鍵鑰車行已方軌關吏徒擊柝居民

動成市廬井互聯絡幽龕白雲聚石磴清泉落地雖臨
要衝俗乃近淳朴政須記桃源不必銘劍閣僕夫跼謂
我無為久淹泊山川豈不好但恐風雨惡

榆林

崇崇道傍土云是古長城却尋長城窟飲馬水不腥斯
人亦何幸生時屬休明向來邊陲地今見風塵清未忝
被行路牛羊散郊垌儒臣忝載筆帝力猗難名

槍竿嶺

憶昔賜第歸吾母適初度蹉跎歲月晚今辰乃中路居
人誇具慶游子慙叱馭茲山稱最高揚鞭入烟霧矗矗
多峭峰濛濛饒雜樹崎嶇共攀援躑躅頻返顧陳情未
成表登高詎能賦獨憐山下水遠向虛溝去

李老谷

緣崖一徑微入谷雙崦窄密林日易曛况乃雲雨積行
人望烟火客舍依山色家僮為張燈野老煩避席未覺
風俗殊祗驚關河隔嚴程不可緩子規勿勸客

赤城

鷄鳴秣吾馬晚飯山中行何以慰旅懷赤城有嘉名灘
長石齒齒樹細風泠泠時見巖壁間粲若丹砂明溫泉
發其陽撫訶勒百靈前峯指金閣真境標殊庭白道人
跡稀青崖雲氣生信美無少留緬焉起深情

龍門

竦身望龍門緩轡行兀兀溪迴愁屢渡雨橫驚暴溢兩
崖儼相向百水怒爭出人言馬上即快意每多失自非

渥洼種不得矜捷疾飄飄蟻蝨臣凜凜鼃鼃窟星靈重
覆冒利涉用終吉廻睨向所經千嶂隱朝日青林外盤
紆黃流中蕩滴後來未渠央君子宜戰栗

獨石

解鞍及亭午稍欣烟霧收蒼然衆山出歷歷如雕鏤前
瞻一石獨靈宮居上頭頗聞去年夏水激龍騰湫走避
登屋上夜半齊呀咻幸茲溪澗中今作清淺流宴安不
可懷變化誠難求翠華湫在望行矣毋淹留

擔子窪

自從始出關數日走崖谷迢迢度偏嶺險盡得平陸坡
陀皆土山高下紛起伏連天暗豐草不復見林木行人
烟際來牛羊雨中牧颯然衣裳單咫尺異寒燠佇立方
有懷相逢仍問俗畏途宜疾驅更傍灤河宿

李陵臺

日暮官道邊土室容小憩漢將安在哉荒臺猶髣髴低
徊為之久懷古增歎欷長風吹曠野飛雨千里至蕭條

蒼山根草木餘爽氣常憐司馬公予奪多深意奏對實
至情論錄存大義史臣司述作遺則敢失墜

上都分院

晨興過桓州旭日生蒼涼舉頭見觚稜金碧何魏煌洪
河貫其前青山環四傍暮投玉堂署鼇峰屹中央升階
旅羣彥官燭分餘光琴冊森在側談笑來清觴列坐無
所為陳詩詠黃唐帝鄉豈不樂父母遠莫將起視雲漢
低垂星爛寒芒南飛有冥鴻邈哉天際翔

遊寶陀寺

十年望滄海臨流不能度
蒼茫歲華晚邂逅舟楫具拂
衣乘天風挂席隨烟霧
旦從蛟門發暝投滄洲
住前瞻積水深島嶼
青無數梅岑特孤絕
遙見日出處寄身人
境外矯首禪關路
粲粲金砂石離離
白花樹高期愜幽
抱歷覽增遐慕
俯伏苔磴間庶與
真靈遇二邊非可取
三觀何時悟
嗒然坐忘言目送寒潮去

雪竇紀遊八首

移舟泊泉口我行已信宿天寒洲渚生峰迴川途曲烟霞蘭若高別墅在林麓

攬衣待明發石路何幽阻日出不見人林深但多虎乳峰稍已近恐懼那復數

高人欣相迎山門帶流水風生珠樹間月窺鏡池裏觸景遂成迷應接殊未已

幽尋指山椒崖傾忽如瀉俯身視木末懸水在足下冥冥巖岫中宴坐奚為者

亭亭妙高臺迤出千峰上怪松多十圍巨石非一狀心
賞孰與同昔賢有餘唱

蕭然上方境人稀知地僻中峰路難辨丹山雲仍積徒
聞古仙人石上餘足跡

詰旦逾西岡草木益深秀梯苔下絕巘坐石看飛溜陰
靈多窟宅欲往不敢又

興移初出山繫纜長汀樹夜來雪已深溪風水難度猶
疑鐘磬音遙遙白雲處

送曾止善孔廟司樂

周官重司樂典教專成均如何千載下實去惟名存之
子負遠志被褐祖冬春低徊不自衒保此席上珍小試
特毫末食祿同庶人幸與駿奔齒位卑號仍尊既殊仕
伶官況及游聖門金石方在耳頌聲未崩淪聞風苟有
作薄俗斯還淳嗟予領胄子四術空遺文鏗鏘尚莫辨
論說將何云臨分用自愧贈言聊具陳

同王章甫待制校文上京八月十五夜宿龍門

驛

涼風墮黃榆萬馬皆南馳而我方北首度關及鳴鷄石
路更幽阻僕夫慘不怡徐驅待明發決瀋窮烟霏貂裘
者誰子怪我逢掖衣為言霜露多遑遑獨安之我非不
自愛簡書今有期憶昔州縣間折腰向小兒荏苒二十
年白首初登畿同袍如燕鴻去住恒相違悠然慨平生
與世何參差暝投龍門驛高館臨迴溪青崖拱白月水
木含餘輝秋色故瀟灑我行殊未遲相從况魁彥炯若

珊瑚枝衰暮何足云一觴聊共持

送鄭以道

鄭君不羈客滂仕常優游故人滿天上獨佐嶺南州嶺
南風土異去天將萬里駟騎如流星衆手挽不止到官
定多暇坐對梅花時溪石秀可硯泚筆成新詩詩成付
迴鴈動是春冬隔用儒行召君努力崇明德

送王君冕同年歸長安

昔忝膺薦送被褐趨上京蒙恩賜清問彙進陪時英東

帶仕州縣暫為閭里榮蹉跎二十年來拂舊題名升沉
久已判存歿復堪驚忽逢王明府話舊欣合併蕭條逆
旅中書帙亂縱橫坐閱車馬喧澹馬若無營雖懷帝鄉
樂不受世網嬰寵辱端可齊去就一何輕空餘綈袍戀
猶軫故人情予方徇微祿未能返柴荆終然無補報白
髮日夜生如何同遊處餞此千里行度關秋風起落木
寒蟬鳴相思阻良覲惻愴何由平

題杜左司西巖詩卷後

吾聞古達士大隱非山林如何鷓鴣間白駒起遐心遙
遙望故山紫塞繚以深峰巒勢交集積翠千萬尋園廬
在其下門巷常惜惜軒窓帶流泉花木久成陰春秫足
新釀亦有書與琴終然戀魏闕未忍投華簪平明奉朝
退粉署鬱沈沈披襟坐高閣獨對西山岑爽氣遠可致
塵慮安能侵勿云須吾土始用窮登臨異方苟同得視
古猶視今聊為招隱篇往和巖中吟

題象山環溪圖

崇山標地靈萬古聚清淑堂堂故相家高風在喬木仙

翁上天去逸響今誰續優哉四十石接軫飛華轂夫君

冰雪姿乃爾抱幽獨翩然來帝旁霞舉儼初服侍祠明

廷上厭直齋廬宿暎言懷舊居結構依山麓軒窓對晴

嵐林杪出懸瀑散為百道泉噴薄翻珠玉餘潤之所蒙

杭稻豐比屋春事日向深桃源酒方熟往來無俗駕異

書仍可讀歸歟定何時專此溪一曲相逢京洛間紅塵

眯人目披圖覲佳致山水增新綠先賢止息處杖履在

遺躅愛山錫嘉名惠幸及樵牧于于後來者猶或被膏
馥安得從君游青雲兩黃鵠

題趙涼公瑞瓜圖

慶門集嘉况異瑞呈瓜田生五而成十竒偶出自然觀
物可知德發祥匪由天願言植靈苑永奉君王前合形
表同體雅詠流綿綿

歲晏

歲晏木葉落遙見東城隅雉堞鬱岩峩列屋何蕭疎悠

悠西南望赫赫金張廬退朝集冠蓋鳴珂涕通衢合還
多俊游並轡飛華裾顧盼有光彩行者為踟躕俯慙筋
力微無從效馳驅日斜坐官舍還拂案上書緬彼川路
長感此年運徂遲迴不能去歎息將焉如

送陳太祝

夫君青雲彥早通金閨籍弁服勞駿奔執事謹朝夕忽
乘使者車意氣何輝赫將指固有嚴為務本非劇經營
禮文事詎日期會迫定知多餘暇時復肆游歷向來佳

麗地觸目成陳迹
西山獨偃蹇不改太古色
相逢幾遺老慷慨語疇昔
芙蓉君子花足以語使客
我方守一官兀坐如龜息
當歸更淹留臨別增感激
長風吹遠塵浩浩千里白
欲附南飛鴻安得生羽翼

送王鍊師歸四明

飄飄采真侶乃在四明山
霞裾朝帝所瓊館留人間
忽聞雙鳬舄却向東南還
望之若流星邈然不可攀
海月照堦肥天風飛佩環
我何苦羈旅冰雪生朱顏

集淵明句題李中甫員外稼亭

東方有一士客養千金軀東帶候鳴鷄出則陪文輿代
耕本非望暫與園田踈園田日夢想投冠旋舊墟興言
在茲春新疇復應畬田父有好懷過門更相呼披草共
來往履歷周故居悠悠待秋稼時還讀我書雖未量歲
功栖遲固多娛此事真復樂此語真不虛餞送傾皇朝
歸子念前途前途當幾許直至東海隅古時功名士事
事在中都遙遙沮溺心君情定何如

集淵明句題胡生嘉樹軒

孟夏草木長
霜露憔悴之藹藹
堂前林冬夏常如茲
嚴霜九月中
卓然見高枝
如何捨此去
白日掩荆扉
深谷久應蕪
此陰獨不衰
龜俛六九年
懷此貞秀姿
常恐負此懷
未足為高栖
及時當勦勵
慷慨思南歸
親戚共一處
日夕歡相持
披榛步荒墟
登高賦新詩
坐止高蔭下
一觴聊可揮
從今至歲寒
縱心復何疑

永嘉王君自製挽歌辭
蓋能安死生而未忘情

乎死生者也集淵明句以釋之

自古皆有沒我今始知之居常待其盡逝將不復疑人
生無根蒂去來何依依既來孰不去奄去靡歸期復得
返自自然人間良可辭何事空立言念此懷悲悽日醉或
能忘一觴聊可揮且極今朝樂千載非所知

丙子七月十七日同輝公登紫薇巖汪生元明
許生存仁來會遂宿鹿田寺明日乃由山橋回
至芙蓉峰而別追念數十年間並游之士往者

已不可作者在者又莫之與同兩生顧能不憚其
勤相從躡屨行風雨中誠一時清事也第未知
後游為何日同游為何人撫事述情成二十韻
邀兩生同賦奉呈審言子長

吾年未及謝倦飛已知還乃復嬰近務無由縱清歡幸
與方外士相從巖壑間小憇遂深入詰曲披茅菅昔人
有遺躅縹緲青雲端高居匪結構異狀如雕鐫志怪固
無取懷賢邈難攀停策訪舊游欲去仍盤桓迅颺發中

夜衆木號驚湍涼秋變裊暑山深氣先寒泉石無改色
四時自推遷交朋半新故念之增慨然兩生亦何人環
佩來珊珊攜手恣幽步流目窮遐觀時於林缺處遙見
城南山行行度危磴悠悠睇層顛凝陰闕朝采玄澤醺
神淵嘉穗日已豐藹馬滿中田覽物多所欣賞心殊未
闌後期孰與同良會當何年

湖上即事

垂雲晝濛濛湖面惟一色薄暮風更生際夜雪初積凝

陰勢方盛塵境喧暫息坐久聞挈音忽然破寥閔

試院諸公西湖同泛分韻得儀字

秋杪景將晏天高霧仍披漾舟西城曲散策南山陲重
棘幸已撤累觴欣共持及茲酒不空未害席更移會合
非可常簡書各有期念之動予懷勗哉慎其儀

題清華亭

名區匯脩渚流望俯平陸飛雨天際來遠峰淨如沐生
香餘晚華繁陰藹嘉木秀色坐可攬終然不盈掬觸景

幽興多接物道機熟誰能與之遊
食芳飲山渌

題松聲樓

長松四簷間落落無與伍
天清嘯歌發肯作兒女語
道人有真聽無迎亦無拒
尚不知有耳况覓聲處所
起視南山高明月在庭戶
應念朝市人聞鷄走風雨

送寧上人歸吳中

我如雲間鶴久厭雕籠養
子如海上鷗初不嬰世網
胡為逐吾輩飲啄勞俛仰
得無坐書癡遂爾生技癢
欲於

一毫端而現諸萬象重雲連夏秋雨點大如掌三州成
巨浸百水猶怒長倉忙揖我去風蒲映飛槳有形天地
間浮萍依浩蕩向也本非來今焉亦非往臨歧將何贈
詩境方湫莽幸子頗聰明莫作離別想

至正丁亥春二月起自休致入直翰林夏四月
抵京師六月赴上京述懷五首

夙予抱微尚漫仕遂浮沉決去不復疑甘以投華簪春
天動使星空谷發覺音倉忙遣就道載筆歸詞林弱質

幸未朽茂恩一何深義當不俟駕事乃違初心揖與親
友別長眺故山岑臨觴不能御朗詠巖中吟

揚帆越江淮河水來活活呂梁扼其衝石芒殊峭拔汴
河柁忽摧度洪纜遽絕前途總安流風勁挽復折蕪甸
涉險艱脫命爭毫髮行行薄畿甸值此正陽月皇輿方
北狩前旌曉已發疾驅望清塵我馬不及秣出關歷峻
阪下視原野闊磽谿多縈迴岡嶺互盈缺舊遊如夢寐
古道無改轍經時春草變久旱夏雲熱遠行誠苦辛儻

免蒙霜雪

信宿憇虛館平明玉堂開微風散靈雨階祀無纖埃良
會秩初筵芳醪湛樽壘內官出黃封飛鞚天際來承平
多故事鄙劣慚非才扑躍向宸廷慶雲鬱崔嵬乞身懼
再瀆戀闕空徘徊

日出旦氣清齋祓趨行宮周陟夾馳道大帳垂穹窿鳴
鞘下霄漢別殿臨薰風攝衣升玉除穆穆瞻眸容謁拜
未及已迴光赫重瞳詔使侍經幄通籍丹禁中斯榮非

所希十載庶一逢怵惕久復前旅進陪羣公願因奉清
燕忼慷輸微忠衰遲力不逮勞心但忡忡

圓象無停運日馭轉西陸原野多歸人翩翩共馳逐念
昔居閒曹未老先納祿蒙恩列外監放浪湖一曲薄田
皆舊畬敝廬非新卜白首重見招英遊並華轂寒松雖
復凋幽蘭豈再馥宣尼譏患失伯陽貴止足時暮復何
言終期返初服

仙華方先生折簡齋杏花消息雨聲中之句為

韻賦山中社雨七章和者四人先生於第四章
見及顧未能屬和今五十餘年諸老皆已下地
先生門人在者惟朱仙仲山年八十矣偶逢春
社興懷存歿追次前韻以抒鄙情

貞居遠人寰屋老四山靜一翁屹靈光二季亦秀整曉
聞楓林鼓雨過鄰牆杏脩然發孤詠語盡意方永
昔年慟哭地古劍生銅花淒其懷故交中情亂如麻全
彼盛壯時緩轡揚輕撾吁嗟長星墜無復出漢巴

淮陰權奇士髀肉老始消長眉已雪色頽顏尚紅潮朋
游三數公於焉共逍遙平生經濟策忘言付詩瓢
卓哉全歸子離塵返冥極却觀人世間千載猶一息贈
言在吾耳風規良可則欲叩封禪書探囊竟無得
憶別青嶽翁歸進江上艣書札未相忘歲月遽如許山
長春樹深地闊雲濤阻詩筒杳不來今雨非舊雨
仙華幾千仞峻絕臨紫清天壇瑤草合石穴陰風生跋
跋杖履末眷眷丘壑情幸有一夔足雅歌續遺聲

前脩遂不作良友孰我同兀坐守章句獨學無全功徒
操五色筆隨人畫虛空悠悠感存沒惆悵百年中

五言律詩

寄方韶父先生

牢落江南賦知音寄渺茫鹿麋行處有芝草夢中香遙
興滄溟濶悲歌白髮長平生今古淚滴破綠羅裳

雨二首

兀坐九十日雨聲殊未收花時翻益睡茅屋不禁愁生

事吾何望春寒晚故留江波青滿眼萬里付雙鷗
泥潦今如此出門知路難蓬蒿春自長桃李夢曾看未
覺龍公倦誰憐燕子寒青燈耿蕭瑟千載入憂端

雪

急雪下不止朔風終夜鳴飢蟲應蚤蟄老鴈故南征生
理真何計沉吟獨此情山中歲酒熟不飲竟須傾

送友人

鄉路三百里獨歸衣正單涼風紫洲水斜月白沙灘燈

火期方遠關山歲欲闌倚門應望汝莫漫駐征鞍

寄友人

憐君山水意局促守柴扉故里悲秋草涼風滿褐衣滄
洲斜日晚白社幾人歸寂寞分遙念天寒木葉稀

秋懷五首

天末雲猶去山中歲欲徂周流吾道在歎息古人無野
鵲疑秋樹新駒怯暝途蒼茫念同志微薄忝為儒

對酒高天豁登樓落日曛亂蟬悲暮葉老鴈赴長雲落

拓嵇中散棲遲鄭廣文身名竟如此碌碌竟何云
稍稍秋河落娟娟宿露微天清江不息野迴樹相依
回首狂歌數經心昨夢非流螢無思極巧入絳帷飛

仰古嗟無及關情極可哀禰生才見忌賈傳直為災
世肯憐桴櫟吾曾悔草萊小詩聊戲耳何乃併生猜

風雨仍搖落江山且滯留懶從生事拙閒惜壯心休
弱蔓縈欹石空槎卧汎流興懷到微物世故劇悠悠

柴荆

赤日薄烏帽柴荆無定棲可能詩似錦乍取醉如泥薄
業慚漁艇深衣逐馬蹄蕭條江海興芳草故萋萋

憑軒

信有儒冠悞憑軒意欲迷山深風雨惡天濶羽毛低它
日開炎瘴連城送鼓鼙荷戈吾愧爾未敢歎塗泥

風雨

風雨忽如此閉門方晝眠故應為計拙可復要人憐燈
火羗村路桑麻杜曲田悠悠今視昔把卷一茫然

山中懷友七首

大府趨群彥脩才復壯齡
波瀾開白晝羽翼動青冥
弱質悲殊調明時敢獨醒
未妨茅屋底寂寞抱遺經

望遠空山裏天寒夕夢孤
林昏行魍魎江晚變蘼蕪
風雨憐同病塵沙感壯圖
向來懷古意迴首未能無

踈放誰容我交遊重得君
論文輕咳唾問俗到耕耘
一笑能青眼相思有白雲
春風動閭巷還往謾紛紛

何事虛齋裏猶分首
肴盤高林容偃蹇衆翼避扶搏
黑

夜文星動青天劍氣寒終南山正好那得悔儒冠
自是麒麟種卑棲又幾年故廬南雪下短褐北風前歲
暮山林瘦天高雨露偏肯同兒女輩俛仰事春妍
卓犖恒山秀相逢幾抱琴五年風雨別四海弟兄心雪
外梅花遠山中桂樹深定知嵇叔夜高興薄雲林
洛社推年少清才照士林春風何處客芳草獨行深遺
墨收秦刻新吟學楚音別離無一字目斷白雲岑

悼雙林栗上人

飛錫遍諸方棲身復故鄉年隨雙樹老人與一琴亡暗
草迷春塔凝烟鎖夜堂瀟瀟今日雨誰炷影前香

社日重過方子踐

東風吹客衣長憶見君時一別驚雲散重來與燕期春
深今夕雨花老去年枝莫待空山裏青燈有所思

聞子踐卧疾

吾子仍多病何人共解顏水聲和藥臼春色閉松關積
雨連三月懷人劇萬山同遊况零落浩蕩可追攀

奉和吳贊府齋居十詠十首

焦桐

憐爾抱奇質無香亦自焚材高初偶得音苦竟誰聞天
海空遺操冰霜見裂紋中厨方煮鶴終得捨夫君

蠹簡

六籍灰寒久名山餘舊藏漆痕微有字芸草寂無香後
死嗟猶及斯文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虛綠潤雨氣失玄陰瓦
礫看無異塵埃積轉深明光幾携入往事復何心

殘畫

勝境不可得微綃餘舊圖丹青初彷彿塵土半模糊蛺
蝶飛疑去波濤圻漸無良工今豈有為爾一長吁

舊劍

憶啟蛟龍匣提携徑出門紅塵走馬處白日報人恩歲
月銅花澁雲烟斗氣昏淒涼中夜舞回首暗銷魂

塵鏡

古鏡色如墨千年獨此留玉臺塵網暗珠匣土花浮
莫笑塵埃滿曾令鬼魅愁盤龍驚已化雲雨夢悠悠

廢檠

不解照珠翠早同文字盟何言中路棄無復向人明
雨宿高齋夢秋吟廢館情相看幾今夕及此慨平生

敗裘

襲爾亦已久霜風兩袖穿甘從穉子笑未受故人憐
雅

製餘前古深期在暮年素絲今化盡念汝獨依然

斷碑

零落秋風卧何年廢廟碑圖經愁莫載耆舊說頻移野
燒龜趺失荒苔鳥跡疑遙知千載後拂拭轉堪悲

卧鐘

龍虞久摧折沈埋奈爾何畊民誰睥睨野衲自摩挲雅
奏多年歇銘文幾字訛斜陽荆棘裏長伴舊銅駝

過謝臯羽墓

識子今無日風流可復尋山林餘楚製弟子解閩音滄
海他年夢青天後夜心平生匣中劍零落遂如今

元日即事

回首人頻異興懷誰與同塵埃欺白苧歲月入青銅雨
急蒼茫外春生浩蕩中長憐故園樹一一受東風

八詠樓

懷古荒碑在登樓晚望賒秋陰垂野薄江勢抱城斜天
地悲遊子冰霜感歲華紅塵吹短褐歸興及清笳

溪南即事

莽莽長川去行行薄暮時
山光連睥睨寒色入旌旗
夕鳥歸飛急風帆逆上遲
世情關物理俛仰寄長思

明月樓

遺堞何年有飛甍壓上頭
鼓鼙分大漠香火望靈湫
曲岸舟如失遙沙樹欲浮
登臨且吾土未敢恨淹留

含香道中

殘日亭猶遠輕風帽易斜
稻畦低沒鶴草徑曲行蛇
經

世知無策謀生會有涯殷勤理黃菊留眼待秋花

懷楊仲弘

離別驚如雨蹉跎媿後塵祇今才有數多爾術能神玉
唾春風濕烟霄碧樹新謬慚推吏事吾敢望平津

八詠樓遇方子踐

風雨三年別登臨一笑同綠莎垂古井碧瓦映疎桐世
故違高枕吾生劇轉蓬相逢感疇昔出處愧匆匆

杭州寄子踐

樽酒何人共春光著處同乾坤容野馬歲月失飛鴻俗
眼能無白風花故自紅向來常處士早已負諸公

次韻答子踐

不謂飛霞佩珊珊然寂寞濱相看今雨夕漸近長年人往
事驚如夢何峯擬卜隣平生千里駕還往得辭頻

劉聲之爐亭夜話

儒冠寧悞我壯志自多違昭代尊經術先生尚布衣清
言今夕共大隱昔人稀預恐蒼山麓無從候少微

雨三首

湖闊雲如積，天空雨正豪。
風颭兼晝夜，井邑帶波濤。
茅屋垂垂破，漁舟故故高。
何妨張仲蔚，環堵自蓬蒿。

穉子吾憐汝，泥行去不難。
憑闌真自笑，高枕敢求安。
天地三辰遠，江湖五月寒。
好將遮日手，却把釣魚竿。

田父愁何訴，龍公怒未休。
千畦沈翠羽，百水散黃流。
小市猶長閉，孤城併欲浮。
誰誇補天漏，此事恐悠悠。

金陵客舍漫書

不擬芙蓉珮終然挂寂寥百年多事始千里一身遙巢
燕驚華屋講鴈望赤霄蒼蒼叢桂樹愁絕小山招

陪仇仁父先生登石頭城

談笑逢諸老登臨失故亭薄遊成汗漫高步覺崢嶸
水通吳白淮山入楚青平生一盃酒及此慰飄零

抱琴

三尺枯桐樹相隨年歲深此行端有意何處託知音
隱青山夜寥寥太古心空携水仙曲更向海中岑

吳贊府挽詩三首

鶴去愁滄海鴻飛困朔風
冥冥方獨往已已竟長終
莫掛還鄉劍真隨厭世方
向來曾慟哭不是為途窮

百代龍川子風流見外孫
餘生惟白帽舊業自青門
浩蕩期千載蒼茫哭九原
仙華雲縹緲愁絕刻舟痕

懷古餘哀思憐君尚典刑
清談無俗子白髮死遺經
客社荒春沙鄉山隕夜星
夕陽隣舍笛悽切可堪聽

春日郊行雜興三首

忽忽時頻異垂垂花正繁登臨聊極目出處可忘言風
急江光亂春濃野色昏舊游嗟契濶覽物思空存
五畝清江曲為農計未踈那無經世策宜付絕交書野
笛吹頻歇漁舟去若虛卜居能有待天地本吾廬

高興真誰共佳辰祗屢經天清風細細花遠樹冥冥勝
事今非昔狂歌醉欲醒終南飛鳥外一髮向來青

次韻答友人

十載論交地才皆第一豪江湖嗟契濶風雨夢蕭騷趨

走知無力標題敢自高期君養翎羽一擊可徒勞

九日登石頭城

背郭鶯塵遠高秋川岳清幽懷初曠蕩陳迹故縱橫遙
望龍盤舊長憐蟻穴爭紺園隨處闌粉堞向來傾發草
窺簪井看碑驗故塋門開蒼耳路亭愛翠微名遠樹淮
南出滄江鳥外明人烟川浩渺風物歲崢嶸吹帽仍佳
節傳觴但老兵愚生雜蛙黽浪走媿璜珩去去帆檣盡
蕭蕭蘆葦鳴登高未成賦覽古獨含情政復哀王粲何

堪厭禰衡敞廬滄海曲目斷白雲生

寄李生

有美維仙李孤標見碧梧高門留雨露短褐混混途姿
悍寧為小機深或類愚洗心須貝葉游藝及擣菰政爾
難藏穎惓然獨抱竽從容觀近效俛俛事羣趨稍廢琴
心曲能操犢背書誰將窮罔象莫使避珊瑚它日逢何
暮清談動至晡醉醒勞問我喜怒得令渠契濶江湖迥
漂零歲月徂青雲悲捷徑白日仰亭衢秋社粉榆外南

包橘抽初飛騰如借順能勿笑蟾蜍

次韻答陳君采魚簡一二同志六首

憶昔雙溪上相逢暮雨時交游傾意氣談笑挹丰儀
草中年別寥寥大雅詩受材知有分豐嗇竟誰司

不謂飄零日求賢網四張胡然卑小技乃爾闕孤芳
寶唾非無色江鴻詎有行散材何所似徒愧飾青黃

十載西州客論交著處新時時談述作一一望光塵
滄月銀河曉暄風玉樹春幸令窺鬢髯微薄尚何伸

默守知存道清言不廢儒身方同木石名已在江湖此
士須前席何人屬後車惟應畊釣者縹緲識霞裾
尚想南歸始簪花出禁闈塵沙迷故步桃李借餘輝有
日酬天造終身返布衣風流成二老巾屨倘相依
亦有貞君子難忘太古情詩筒來絕響茗椀出新烹石
落單傳意蕭條異代名無為念離別惆悵不能平

洋山曉發

肅肅洋山暮倉忙拜水神吹噓端有力漂泊竟無津黑

夜魚龍界皇天蟻蝨臣生還如偶遂敢憚歷微辛

陸氏水軒分韻得揚字

高會軒楹敞清秋笑語涼行雲隨度曲野水映飛觴坐
挹才華盛慙鬢髮蒼新詩穿窈眇何力共游揚

寄黃伯陽

摻別逢春雨移舟落夜濤忽驚滄海大轉覺碧雲高揚
子多奇字王祥忝佩刀深情空繾綣短髮正刁騷

送陳養直歸四明

迢迢澗河水同渡不同歸執袂方成別驚帆已若飛
野橋行處酒風雪去時衣瞻望嗟何及天長鴻鴈微

送胡允文紹興錄事

斯文千載後一髮湫存亡尚喜衣冠舊能傳翰墨香
春秋嚴助對富貴買臣鄉莫厭官曹劇諸生在鴈行

讀陳制幹遺事

歷歷青雲上飛揚彼一時深春曲江宴清夜鄆城詩
老去山河在仙成日月遲空言徒有託千載欲誰期

隆山牟先生挽章

井絡收英氣文昌返列星能官須伐閹仍世覲儀刑漂
轉逾三峽森扶並五丁芝蘭紛滿砌橘柚歛充庭它日
看空櫪羣公羨發硎湖驚掃迹華表訝推翎風物嗟
王粲心期託管寧乘桴良已後抱瑟匪求聽此道誠何
病明時忌獨醒迢迢瞻北極袞袞化南溟薦剌多新墨
恩袍祇舊青故應旣座冷不愧草堂靈食蘖餘深味縣
車及暮齡一朝傷永訣千古闕遺經謬忝鴻私久徒增

雪涕零無辭歌薤露有恨寄泉扃

入京道中寄同里諸友

十年州縣底及此望京華客路時時雨春江岸岸花何
方堪報國將老更浮家可得同攜手山顛復水涯

送句龍提舉之雲南

獨抱文章印驅車背朔風行歌萬里別聲教百蠻通列
郡創殘後諸生色笑中誰當偕計吏封殖待新功

題天童疊秀軒

名山標巨剎樓閣在青冥別路通禪窟當軒列翠屏
暝禽多雪色偃樹盡龍形負土新成塔非才愧勒銘

癸酉四月同子長至赤松子長先去遂獨宿智
者之草堂已而子長與正傳俱來同出靈源詣
鹿田遊三洞遠過山橋至潛岳謁故中書舍人
潘公之墓復廻智者而別

昔共張公子翩翩訪赤松重來經兩紀獨去宿孤峯
古木蒼陂映禪房側徑通夕陰千嶂黑人靜一燈
紅幸及

軒車會寧辭杖履從相看如夢寐健走愧兒童春盡山
仍好林深磴忽窮天低時墮雨寺遠但聞鐘吊古田無
鹿探奇洞有龍幽尋穿窅窅高步踏玲瓏靈草多成藥
踈篁不作叢嵐光凝晻曖野色在空濛下瞰疑無底言
旋復向東巖阿棲斷磴烟外落飛淙細路緣苔磴危橋
跨石缺泉依山曲曲雲與樹重重巨剎纏名岳穹垣護
敵宮倚闌斜日下入室老僧逢零落螭頭黑荒涼馬鬣
封不才待薄祿終古望遺風弛擔雲關裏傳觴雪峽中

追隨尋道侶，述作付文雄。
急景真流電，浮生尚轉蓬。
後期觀歲晏，來往意憧憧。

送簡縣尹

簡氏多兄弟，才名萃一家。
嗟君本朝士，出宰向天涯。
度嶺三冬雪，行春一縣花。
應憐未歸客，鞍馬尚風沙。

送趙仲理御史

籍甚聲華舊，頻年沐盛恩。
校書天祿閣，執法太微垣。
攬轡炎埃豁，揮毫玉露繁。
庸疎徒自笑，投贈欲何言。

送趙宗吉御史

憶共趨龍禁驚聞正豸冠
汗顏居館下矯首望臺端
去路黃河直飛霜白日寒
仙舟如可託歸理釣魚竿

送馬伯忱教授

卓犖青雲彥飛騰及妙年
書成天祿閣座有廣文氊
九陌車塵外千軍筆陣前
白頭慚倚席臨別思茫然

送王道一郎中

使者下青冥郎官動列星
揚旌開瘴癘持斧用雷霆
遠

俗難馴化儒臣解引經無如多註誤能勿望平亭

送宋顯夫憲僉分題得邵伯埭

謝公千載後陳迹在淮壖遺愛傳終古嘉名配昔賢
藕花方爛熳使節莫留連移取甘棠樹分栽郢水邊

送宋翼卿照磨

莽莽關河路西征獨據鞍借材蓮幕底養望栢臺端
指日傳溫詔朝天正法冠廣平心鐵石寧憚朔風寒

送潮陽蘇縣尹

夜水藏蛟鰐秋天卷瘴雲田多陶令秫石有大蘇文巧
宦誠為樂修才況不羣尚煩驅筆陣時復張吾軍

同劉遂初脩撰周伯溫編脩任大瞻經歷王繼
志架閣西山行香次初韻

仙馭賓天久衣冠此出游祇園金地古汾水白雲秋謁
拜陪諸彥躋攀展寸眸始知山水窟近在帝王州深岫
藏青靄平蕪映綠疇層臺臨太液環海像瀛州粵自遺
弓劍無從望黠旒明庭虛次舍綵纜舊維舟陸戰盈千

列靈輿副九旂祠官偵伺謹中使往來稠備禮兼今昔
求神遍顯幽琅函開貝葉玉瓚薦黃流盱蟹人天合輝
光日月侔遙看陳羽衛疑是問龍樓花雨繽紛落香烟
泱泱浮重闕羅虎兕簇仗擁螭蚪去去簫聲遠微微扇
影收清都成夢境塵劫等浮漚歸逕綠湖尾殘陽掛樹
頭舉盃相慰藉分席暫淹留物色迂行轡風寒襲敝裘
迴瞻天路永坐感歲時周戀闕慙衰朽非材墮謬悠詞
休富鴻藻珍贈若為酬

題道士熊君壽母詩卷

跨鶴出山中春衣密密縫度關占紫氣賜酒拆黃封介
壽慈顏喜承家積慶重蘇耽却來否石上有仙蹤

題石門淨勝寺

十頃蒼陂上山迴地勢偏屋棲黃面老碑掛赤烏年葉
葉風荷顫層層雪瀑懸青燈夜寥閒獨照一僧禪

初至寧海

地至東南盡城孤邑屢遷行山雲作路累石海為田蜃

卷一
炭村村白棧林樹樹圓桃源名更美何處有神仙
縹緲蛟龍宅風雷隔杳冥人家多面水島嶼若浮萍煮
海鹽烟黑淘沙鐵氣腥停驂方問俗漁唱起前汀

試院同諸公為主試官作

右轄升庸日秋闈獻藝初端居煩坐鎮妙柬備賢書憶
昔興文運惟天啓聖謨教條行九有學業出三餘儒術
俄中否詞場遂久虛綸言何噩噩髦士共于于吐握承
謙德飛揚感壯圖至公留藻鑑成物待洪爐肅穆華星

聚涵容化日舒誰歟隨計吏行矣聽傳臚橘柚天庭貢
參苓相府儲鋪張須鉅筆衰朽媿荒疎

試院同諸公為監試官作

文治回亨運羣言協睿謀設科存墜典傳詔及遐陬風
動黃簾曉霜飛白簡秋迂臨宣上化精察副旁求懷牒
魚鱗集搗辭繭紉抽按行承獎飭鼓舞望甄收永鑑垂
清照淵珠免暗投克庭先品物入彀總英流奏自蘭臺
上名依桂籍留神仙司下土桃李在南州使節光華盛

公堂禮數優無能裨末論傾詠獨綢繆

游法華山回宿樓氏書房遙望嵩頭陀智者國
師道場上清五雲龍壽諸山而未及至其處贈
同游傅生國章

故廬湖水曲門對法華山百里空荒外三峯掩靄間倦
游煩汲引濶步強躋攀老怯高寒境非緣興盡還
小憇虛齋夕何人笑語同青雲一才子白髮兩衰翁節
物逢春好名區有路通未能窮勝踐健走媿兒童

過永康挑巖

立石平如削飛雲近可梯
莫窮千古勝但惜衆山低
靈草經春長珍禽隔樹啼
人言舊朝士感事有留題

五言絕句

山中偶題

古苔隱石色寒花明藥叢
有時白礪雨終日青松風

夜坐

涼風動千里孤坐思滄洲
白露洗明月青天此夜秋


題趙公畫蘭竹

猗蘭幽人操綠竹君子德天天彼棘心胡為久吾側

題馬虛中畫

人在白雲處舟在清溪曲不聞欸乃聲但見山水綠

文獻集卷一



總校官庶吉士臣張能照
校對官中書臣蔣寬
謄錄監生臣陸紹堦